

文殊師利菩薩及諸仙所說吉凶時日善惡宿曜經卷下

亦十

宋內供奉三藏沙門不空奉詔譯

弟子上都草澤楊景風修註

擇時

西國每一月分爲白黑兩分入月一日至十五日爲白月亦十以其光生漸明白之謂也八月十六日至三十日爲黑月以其光減損暗黑之謂也文殊師利菩薩說時日偈云

一三五七九十一與十三於二黑白分

所作皆成就黑三夜七晝十夜十四晝

白四夜八晝一夜十五晝所謂一夜者十

貴省文也於此黑白月晝夜不成就

日中及中夜已後皆通吉

擇日

每入月一日十六日三日十八日五日二十

日七日二十二日九日二十四日十一日二十六日十三日二十八日已上是吉日所作吉祥事必成就

日七日二十二日九日二十四日十一日二十六日十三日二十八日已上是吉日所作

吉祥事必成就

入月四日夜八日晝十一日夜十五日晝十八日夜二十二日晝二十五日夜二十九日

晝已上日晝夜之時所作皆不吉爲事不成惡猶不可作何況善事如於鹹鹵之地種物不生

入月二日六日九日十二日十四日十七日

十九日二十一日二十三日二十四日二十七日三十日

已上平日若與好宿好曜并者即吉如與

惡宿曜并者即凶夫凶惡晝日中已後通吉用凶惡夜夜半已後亦通吉用

白黑月所宜吉凶曆

每月一日十六日梵云鉢闍鉢底此云梵王下是建名日宜爲善業學伎藝苦節修行布施等事及作愛敬增益長久定事並吉不宜遠行

二日十七日是得財日梵云苾利訶駁鉢底亦十

神下此云造化神下宜按摩合藥作工巧法遠行進

路結交婚姻

三日十八日是威力日梵云毗紐神下亦云那羅

延天宜摧敵除逆調習象馬四足諸畜等及訓獎惡人下賤之類營田種蒔有大爲作事皆吉十八日夜惡中夜已後還吉

四日十九日是猛武日梵云闍謨神下作惡業日是殺害日與一切不善事殘酷業皆悉相應宜摧敵破逆吉餘並凶四日夜不吉中

夜已後吉

五日二十日是圓滿日梵云蘇謨神下此云月天子宜修福善業作卧具牀座衣服莊飾物及車輦等物營田宅結婚姻凡諸慶樂事並吉六日二十一日是求名日梵云摩羅神下此云

童子宜諸久長安定之事營田宅及天廟福舍伽藍建城邑立牛馬等諸畜坊廄並吉不宜遠行進路

七日二十二日是朋友日梵云七娑怛沙邪

仙神下此云北斗下宜結朋友安定之事王者服新衣及纛幟牀座卧具大寶嚴飾之物並吉

二十二日晝惡午後吉

八日二十三日是力戰日梵云婆娑善神下宜力用之事宜修造攻戰之具置邊衝險固城壘穿塹塗調乘象馬等事並吉八日晝惡

午後吉

九日二十四日是凶猛日梵云嚕達囉尼神下宜圍城縛敵進途伐逆取毒不宜入宅修理髮凶

十日二十五日是善法日梵云蘇達謨神下

此云善法神下宜作久長事及急速事置井穿鑿坑塗行法修道人作功德福舍伽藍凡諸順法及愛敬等事皆吉二十五日夜不吉半夜已後通吉

十一日二十六日是慈猛日梵云嚕捺噠神下此云自在天下宜新立宅舍營天廟城邑官曹館室伽藍殿塔及火祭室功德福舍並吉十一日夜惡中夜後還吉

十二日二十七日是名聞日梵云阿逸都神下此云天子下宜作久長安定事及修葺輿嚴飾


頭髮置倉生藏等吉不宜放債取債
十三日二十八日是最勝日梵云鉢折底神下此云魔神下所爲急速事修衣服華鬘金寶嚴飾等事又宜愛敬之事取婦人及乘車輿等並入壇場習行道術並吉

十四日二十九日是勇猛日梵云藥薦神下宜往擒縛相詭誑事暴虐惡人作非法之物宜行詐妄詭誘怨敵必信受不宜遠行進路二十九日晝惡午後吉

十五日三十日是吉相日梵云必多盧神下此云鬼靈神下亦十宜祭先亡宜作婆羅門大祠求安隱法及布施供養父母尊者諸天持齋戒施食及諸祭祠吉十五日晝惡午後吉

右每月日所宜用吉凶如前必審用之萬不失一其晝夜善惡並如前嘉釋二十七

宿十二官圖唐用二十八宿其天主事之故西國以子者一宿十ニ除牛屬人記猶宿尤年切於星曜記日說云西國以子者一宿十ニ除牛屬人記猶宿四倍力好時之力萬倍力曜於人宿



西國皆以十五日望宿爲一月之名故二月爲角月西國以二月爲歲首以其道齊景正日夜停分時淑氣和草木榮茂一切增長故梵天三月名氐月四月名心月五月名箕月六月名女月七月名室月八月名婁月九月爲昴月梵語昴星名迦提迦西國五月十五日雨安居至八月十五日滿已後五月十五日滿已後至九月十五日已來自恣故號爲迦提但取星名而已今中國加提即是事而妄者別爲訓釋蓋大謬焉十月名觜月十一月名鬼月十二月名星月正月名翼月夫欲知二十七宿者日先須知月望宿日欲數一日至十五日已前白月日者即從十五日下宿逆數之可知欲知十六日已後至三十日即從十五日下宿順數即得但依此即定如假二月十五日是角日十四日是軫日十三日是翼日若求十五日已後者即十五日是角日十六日是亢日十七日是氐日他皆倣此

五日下宿從此聖宿逆順數之至彼生日止則求得彼人所屬宿也

又法略算求人本命宿先下生日數又虛加十三訖即從彼生月聖宿用上位數順除數盡則止即得彼人所屬命宿假令有人二月生者則十七日生者則

先下十七爲位又虛加十三共得三十即從二月望宿角亢氐房二十七宿一周法除之

訖餘三筭即角餘一亢餘二氐餘三則彼人是氐宿生他皆倣此

夫取宿直者皆月臨宿處則是彼宿當直又月行有遲疾宿月復有南北前後隨合如何可知則以後頌言求之可解頌曰

六宿未到名合月 十二宿月左右合九宿如犧隨母行 從奎宿數應當知

頌言六宿未到名合月者則從奎婁胃昴畢觜此六宿月未至宿月則名彼宿直也十二宿月左右合者即參井鬼柳星張翼軫角亢

氐房等此十二宿日臨彼宿上及前後南北並取屬彼宿用得也九宿如犧隨母行者則配月爲母配宿爲犧則月居宿前宿居月後如犧母之像也當以此頌復驗之於天則宿日用之無差此皆大仙密說也

二十七宿所爲吉凶曆

昴宿宜火作煎煮等事檢算畜生印畜生融酥和合作牛羊諸畜坊舍及牧放入溫室種蒔黃色赤色等物入宅及石金作等吉宜伐逆除怨作荆翦之具賣物求長壽求吉勝事不宜修理鬢髮及遠行道路宜莊飾冠帶佩服金雕等寶物

畢宿宜農桑種蒔修田宅嫁娶作厨舍作食作畜生舍通決渠河修橋梁作諸安定之事作衣服並吉不宜取債放債宜納穀及酒食

雜物不宜生財觜宿作急要事及和善事並

吉宜種蒔白汁樹草等又宜王者作舍作纛
牀座又入新宅嫁娶修理髮洗浴作求吉勝
法著新衣嚴飾作喜樂調畜生作除災謹身
呪術壇場之法祭星曜作鬚並吉亦十

參宿宜求財及諸剛嚴事穿池賣有乳畜生

造熟酥壓油代酒壓甘蔗種甘蔗畋獵及置

關津等

井宿有所惠施必獲大果有所置事必成就
宜作諸祭法婆羅門祭天法宜嫁娶及納婦
人必子息繁盛此宿所作事皆成吉唯不宜

合藥服

鬼宿所作皆吉求聲譽長壽若爲生事及諸
端嚴相將其服拜官勝位有所爲求並皆吉
祥福德增長又宜遠行進路修理髮著新衣

及洗浴等事並吉

柳宿宜嚴飾事是伐逆圍城掩襲討潛竊詭
誓詐敵人時此宿雨者必蚊蚋苗稼滋盛吉
星宿凡諸種蒔皆吉唯不宜種艷宜取五穀
等種芸薹又宜修宅祭先亡將五穀入宅作

諸住定業並吉亦宜修理鬚髮

張宿宜喜慶事求女嫁娶修理宅作衣服嚴
飾物作愛敬法等並吉

翼宿所作皆吉置宅垣牆穿壕作市作城邑
作車輿修農商業種蒔嫁娶凡作諸安定之事
並吉

軫宿宜諸急速事遠行向外國修理鬚髮取
象調象乘象學技藝求女嫁娶服著衣裳穿
池修園圃造垣牆等吉除蕩竊逆南行大吉
角宿宜嚴飾事取雜色衣作安膳那服藥及

取珊瑚金銀赤銅摩尼金剛諸寶物等諸珍
帛物王者嚴服觀兵及進路作求安隱祭祀
天神寶賜將士金銀百穀衣物入城作華鬢

卧具歌舞詠唱并餘技藝等並吉

亢宿宜調馬驃驢等必易馴快利宜教擊諸
鼓樂等嫁娶結朋友宜發遣怨讐不宜自行

動宜種蒔樹木種穀小豆大豆烏麻等皆吉

氐宿宜作農具種大麥小麥稻粟等并種蒔
諸果樹並吉凡諸有大爲作事並不可作宜
醞酒漿宜種翫栽樹甘蔗等並吉

尾宿宜作服著事蒔樹種根及取煎吉又宜
剛嚴事洗浴除滅厭呪種壓蒲萄甘蔗置宅
置藏作愛喜事合湯及散阿伽陀藥并壇場
事並吉

箕宿宜剛嚴事又掘溝渠穿池井通決河流
種水生華及根實者修園圃醞酒漿及作橋
梁等並吉

房宿宜結朋友婚姻凡和諸善事喜樂吉祥
事交好往還及攝情受戒布施發使置官修
道學藝工巧等吉

心宿宜作王者所須事亦宜嚴服昇位及取
捉象馬調乘諸畜等宜按摩必得身分潤滿

斗宿宜著新衣及安久事置藏修理園林造
車輿等乘載之物營田宅城邑福寺舍等作
戰具及諸用物並吉

女宿凡爲公事皆吉出城外發教命除逆敵
置城邑立宰輔發兵作戰具取與及呈學技

藝穿耳修理鬢髮按摩並吉不宜著新衣及競財穿池等宜供養尊者諸天父母及諸貴勝

虛宿宜諸急速事宜學問及夜欲作求子法其法不宜畫作主產闔宮宜供養婆羅門置

城邑及置兵官財等又宜還人財物賣畜生

著衣著莊嚴具作商業新置技藝並吉

危宿宜合藥取藥服藥置藥並大吉又宜嚴

峻破惡之事穿河池等及種麻豆等發遣商人納財置吏取醫置藏造舟船醞酒漿等及

沽賣商販吉不宜出財

室宿宜作端嚴事勘逐罪非除滅兇逆詭詭

敵人諸事並不宜作

壁宿宜作求長壽增益法不宜南行宜造城

邑取衣取財嫁娶婚姻等喜善事皆吉

奎宿取珍寶宜造倉庫及牛羊坊校算畜生造酒融酥及作堤堰研眼藥著新衣服飾莊嚴遠行進路作和善事急速事並吉

婁宿宜諸急速事與藥取藥調乘象馬及出售等並吉

胃宿宜爲公事及王者之善事亦宜作嚴整之事伐逆除兇并調訓在下及馬等畜生並吉

安重畢翼斗壁此四是安重宿宜造莊宅宮殿寺觀義堂種蒔栽接修立園林貯納倉庫收積穀麥結交投友成禮爲婚亦十冊君王封將相授官榮錫班職造裝具設齋供入道修行及祈安穩并就師學入壇場受灌頂造一切久長事務悉須爲之皆吉唯不宜舉債充保遠行進路造酒剃毛髮除爪甲結仇嫌懷讐

隙習姪慾學搏捕等並凶

和善觜角房奎此等四是和善宿宜入道門
學技藝能習呪法結齋戒入壇受灌頂建功
德設音樂吉祥事慶善業成禮求婚還錢舉
債見君王參宰相服飾新衣裳冠帶好珠寶
作交關營家業進途結親友服湯藥醫療服
造一切穩善事務悉須爲之吉

毒害參柳心尾此等四是毒害宿宜圍城破
營徵兵喫賊欺誑鬪爭列陣交鋒申決烈破
和合行盜劫設誓搏捕博戲造械具戰具閱
兵馬點募健兒採覘寇敵斬決怨敵誅戮罪
人施毒藥施碌害調習象馬練漉鷹犬一切
猛浪事務悉須爲之吉其尾宿日宜種蒔苗
稼栽接樹木營造宅屋立園林一切嚴固鬪
競剛柔猛浪辛苦等事並宜作之

本十

十一

急速鬼軫牛婁此四是急速宿宜放錢貸債
買賣交關行途進路往使征伐賈客上道商
主過磧調伏畜生教習鷹犬設齋行施習讀
經書教人典誥學諸技能服食湯藥并受佩
持護身之術豎幢建旌麾造扇障營蓋傘入
壇場受灌頂騎象馬乘輦一切事務悉須爲
之

猛惡胃星張箕室此五是猛惡宿宜守路嶮
行劫行盜構鬪端起設誑博戲搏捕彊梁侵
奪姦非淫穢圖城斫營造械具戰具畫兵謀
放毒藥施碌害斬決怨敵誅戮罪逆禳祭星
辰祈禱軍福一切艱難事務悉須爲之又張
宿宜作愛敬法又其箕宿宜鑿井穿坑填水
渠開河路一切勞擾事務悉須爲之
輕井亢女虛危此等五是輕宿或名行宿宜

學乘騎象馬驥驃及水牛等諸畜調習

野獸并捉乘騎汎舟繫棹渡水浮江奉使聘

域說敵和死徵納庸調收斂租稅觀音樂看
大禮買賣興販營造車乘點閱兵士一切輕
捷事務悉須爲之又其危井宿宜宜營稼穀

造酒醴穿坑通決河渠合湯藥並吉

剛柔昴氐此二是剛柔宿或名平等宿兼善
惡帶剛柔辛苦之務穩善之事悉須爲之又

宜鍛鍊鐵銷鑠金銀打釵釧鈿環珮造作五
行調度燒餅瓦器設齋造葬焚屍埋殯鑽燧
變火擊酪出酥壓蒲萄搗沙糖放牛行禮遣
馬逐羣檢幸廐牧點數畜生造軍器械具從
域出莊返城移入新宅棄郤舊墟室笞責非
爲決戮罪過并王者盟誓結信一切如此事

務悉須爲之吉又其氐宿宜種蒔華藥栽接
糸十
十二
吉

樹木吉

行動禁閉法

日屬軫宿不得向北路行縱吉時亦不可行
日屬女宿不得向東路行縱吉時亦不可行
日屬鬼宿不得向西路行縱吉時亦不可行
日屬婁宿不得向南路行縱吉時亦不可行

第七秤宮取角亢日東行大吉第十一餅宮取危室日東行大吉

第五獅子宮取星張日西行大吉第九弓宮取箕斗日西行大吉

第八蝎宮取房心尾日南行大吉第十二魚宮取壁奎日南行大吉

第六女宮取翼軫日南行大吉第四蟹宮取鬼柳日南行大吉

第三男女宮至參井日東行吉第十摩竭宮至女虛日南行大吉

第一羊宮至婁胃昴日西行大凶第二牛宮至畢觜日北行大吉

右犯此辰宿日越路發行兵馬人衆
不免輸他損失

裁縫衣裳服著用宿法

昴必火燒畢饒事務觜必鼠咬參必逢厄

井必相分鬼必吉祥柳必棄失星必喪服

張必官奪翼必獲財軫必恒久角必安隱
亢得美食氐必覩友房必益衣心必盜賊

尾必壞爛箕必得病斗得美味女必得疾

虛必得糧危必毒厄室必水厄壁必獲財
奎必獲寶婁必增衣胃必減衣

虛奎鬼弁婁畢軫 角亢氐房翼斗壁

此以上宿可裁縫 衣著衣裳並大吉

三九祕要法

初九畢命觜榮參衰井安鬼危柳成星壞

張友翼 親

二九軫 角 亢 氐 房 心 尾

箕 斗

三九女 虛 危 室 壁 奎 妻

胃 昴

三九法者皆從本所屬宿爲初九第一命宿
依次第二爲榮宿第三衰宿第四安宿第五
危宿第六成宿第七壞宿第八友宿第九親
宿即初九一行也第十宿爲二九行頭爲業宿第
十一復爲榮宿第十二衰宿第十三安宿第
十四危宿第十五成宿第十六壞宿第十七
友宿第十八親宿即是二行了次第十九宿即爲
三九行頭爲胎宿第二十爲榮宿第二十一
衰宿第二十二安宿第二十三危宿第二十
四成宿第二十五壞宿第二十六友宿第二
十七親宿即三九一行

此則是二十七宿周而復始是爲三九之法
三九之法宿者祕要之術所欲興事營求入

官拜職移徙遠行所爲所作——自看從已

身所屬宿今日復是何宿於三九中復善惡

如何與我本生宿善惡相宜否如是勘已即

看後占若榮宿日即宜入官拜職對見大人

上書表進獻君王興營買賣裁著新衣沐浴

及諸吉事並大吉出家人剃髮割爪甲沐浴

承事師主啓請法要並吉

若安宿日移徙吉遠行人入宅造作園宅安

坐卧牀帳作壇場並吉

若危宿日宜結交定婚姻歡宴聚會並吉

若成宿日宜修道學問合和長年藥法作諸

成就法並吉

若友宿日親宿日宜結交定婚姻歡宴聚會

並吉

若命宿日胎宿日不宜舉動百事值業宿日

所作善惡亦不成就甚衰

若危壞日並不宜遠行出入移徙買賣婚姻

裁衣剃頭沐浴並凶

若衰日唯宜解除諸惡療病

若壞日宜作鎮厭降伏怨讐及討伐沮壞姦

惡之謀餘並不堪

此所用三九法於長行曆縱不是吉相已身

三九若吉但用無妨

又一說云命宿胎宿危宿壞宿此宿日不得

進路及剃髮裁衣除爪甲並凶

夫五星及日月陵犯守逼命胎之宿即於身

大凶宜修功德造善以禳之若陵逼業宿者

及榮安成友親之宿即所求不遂諸途逆坎

亦宜修福福者謂入灌頂及護摩并修諸功

德如五星陵犯守逼衰危壞等宿即身事並

遂所作稱心官宦遷轉求者皆遂如此當須
問知司天者乃知此年此月熒惑鎮歲辰星
太白及日月等在何宿以此知之其法甚妙
宜細審詳也以見至理

七曜直日曆品第八

夫七曜者所謂日月五星下直人間一日一

易七日周而復始其所用各各於事有宜者
有不宜者請細詳用之忽不記得但當問胡

及波斯并五天竺人總知尼乾子未摩尼常
以蜜日持齋亦事此日爲大日此等事持不
忘故今列諸國人呼七曜如後

日曜太陽 胡名審 波斯名曜森勿

天竺名阿你泥以底耶二合

月曜太陰 胡名莫 波斯名婁禡森勿

天竺名蘇上摩

火曜熒惑 胡名雲漢 波斯名勢森勿

天竺名益哦羅迦

水曜辰星 胡名哩丁逸 波斯名掣森勿

天竺名部引陀

木曜歲星 胡名鶻勿斯 波斯名本森勿

天竺名勿哩訶娑跋底丁以

金曜太白 胡名那歟 波斯名數森勿

天竺名成羯羅

土曜鎮星 胡名枳浣 波斯名翕森勿

天竺名賒乃以室折囉十六

右件七曜上運行於天下直於人間其精靈
神驗內外典籍具備自南西北三方諸國一
切皆悉用之出入行來用兵出陣學藝及一
切舉動無不用其宿曜時日唯東大唐一國
禾審知委其曜亦每日分爲八時平明即是

所直之曜乃至酉戌則八時而周夜亦分爲八時轉到明日曉時即次後曜當直如是細解用之萬不失一七曜占

太陽直日

其日宜冊命拜官受職見大人教旗鬪戰申威及金銀作持呪行醫遊獵放羣牧王公百官等東西南北遠行及造福禮拜設齋供養諸天神所求皆遂合藥服食割甲浣頭造宅種樹內倉庫捉獲逃走入學經官理當並吉其日不宜諍競作誓行姦必敗不宜先戰不

宜買奴婢此日生者足智端正身貌長大性好功德孝順父母足病短命若五月五日得此曜者其歲萬事豐熟其日若日月蝕及地動者其處萬物不生

太陰直日

其日宜造功德必得成就作喜樂朋僚教女人裁衣服造家具安坐席穿渠造堤塘修井竈買賣財物倉庫內財洗頭割甲著新衣並大吉其日不嫁娶入宅結交私情出行不問近遠行大凶奴婢逃走難得禁者出遲殺生行惡入賊者必凶此日生者多智美貌樂福田好布施孝順若五月五日遇此曜者其年多疫疾多霜冷加寒其日若日月蝕并地動其年疫死後多虛耗

熒惑直日

其日宜決罰罪人圍取盜賊作誑事買金寶置牛羊羣動兵甲修甲仗教旗打賊入陣必勝姦盜者成作誓勿畏宜出獵先經官府者勝宜種田及種果木調馬療病合藥並吉不宜下血者其日成親著新衣洗頭割甲入宅

結交火下出財皆不吉宜徵債禁者難出病者必重其日生者醜陋惡性妨眷屬便弓馬能言語勇決難養若五月五日遇此曜者其年多鬪諍後兵賊饒疫病畜生死損此日有日月蝕及地動其年多兵馬傷者多死

辰星直日

其日宜入學及學一切諸巧工皆成放債本利具獲割甲剃頭遠行者財宜伏怨敵不宜修造宅舍遇戰敵勿先聞看卜問凶必謾語作誓並凶被禁自出失物及逃走必獲其日生者饒病不孝妨財物長成已後財物自足有智長命能言語有詞辯得人畏敬若五月五日遇此曜者其年江水泛溢百物不成加寒若此日日月蝕并地動歲多饑儉

歲星直日

亦十

十八

其日宜冊命及求善知識并學論議受法禮拜造功德布施謁官成親交喜樂入宅著新衣洗頭宅內種果木修倉庫內財調馬買奴婢及嫁娶內象馬造宅作諸事並吉不宜作誓作賊必敗妄語爭競必凶其日亡者未得出埋不宜祭亡人吊死問病其日生者宜與人養長成牧之長命有智心善得大人貴重於父母有相錢財積聚若五月五日遇此曜者其歲萬物豐四時調順如此日日月蝕及地動王公已下交厄

太白直日

其日宜見大人及諸官長洗頭著新衣冠帶成親平章婚事結交友會朋流置官舍逃走難得勿畋獵并戰陣不吉繫者出遲生者短命好善孝順人皆欽慕五月五日遇此曜者

人畜例驚失必狂賊擾亂候取良日從東擊勝此日日月蝕及地動者其歲足風復有雷

電損多少田苗

鎮星直日

其日宜修園圃買賣田地買口馬宜合藥伏

亦十

十九二一

怨家放野燒打牆作竈一切事總合作將入

宅吉舉哀葬吉鞍馬上槽內倉庫並吉不宜
結婚作喜樂服新衣及遠行其日生少病足
有聲名樂善孝順信於朋友若五月五日遇
此曜者有土功威重事此日日月蝕及地動

者世界不安威重人厄

七曜直日與二十七宿合吉凶日曆

曜與宿合者假如正月十五日是軫宿

其日忽是太陽直即是好日他皆倣此

太陽直日月與軫合 太陰直日月與畢合

火曜直日月與尾合 水曜直日月與柳合

木曜直日月與鬼合 金曜直日月與房合

土曜直日月與星合

已上名甘露日是大吉祥宜冊立受灌頂法
造作寺宇及受戒習學經法出家修道一切
並吉

太陽直日月與尾合 太陰直日月與女合

火曜直日月與壁合 水曜直日月與昴合

木曜直日月與井合 金曜直日月與張合

土曜直日月與亢合

已上名金剛峯日宜作一切降伏法誦日天
子呪及作護摩并諸猛利等事

太陽直日月與胃合 太陰直日月與鬼合

火曜直日月與翼合 水曜直日月與參合

木曜直日月與氐合 金曜直日月與奎合

五十一

二十一

土曜直日月與柳合

已上名羅刹日不宜舉百事必有殃禍擇太白所在八方天上地下吉凶法

凡月

一日十一日二十一日在東方

二日十二日二十二日在東方

三日十三日二十三日在南方

四日十四日二十四日在正南方

五日十五日二十五日在西方

六日十六日二十六日在西方

七日十七日二十七日在西方

八日十八日二十八日在東方

九日十九日二十九日在中地

右太白如上一月轉者每月亦然恒常隨天

轉無休息至日月在時未末世已來年月日

亦然常轉無盡太白是鬪戰大將軍常須順行勿令逆之若准此出入移徙遠行及嫁娶拜官鬭戰世間雜事等造作行用皆如上日時順行用者大勝吉利如逆行不順此太白所在行法者皆凶戰不勝所有移徙遠行等亦無利益常須順之凡舉事皆吉

文殊師利菩薩及諸仙所說吉凶時日善惡宿曜經卷下

本十

壬

音釋

襲席入切掩其馴詳倫切闌衣炎堰於懶不備曰襲擾也

水爲壤也覘昌熟切磧資昔切驥音權鑠式灼

於浪枳諸氏翕迄及

也鑠盜於浪枳諸氏翕迄及